

瘕狗傷考

番外書冊


			二四九四七	和書門
		一六七		
冊架	函號			

238

庫文閣內			
九五函	二四九四七	和書	
一	一		
架冊	號類		

內閣文庫	
番號	和 24947
冊數	1 (1)
函號	195 238

195-238



原玄璵先生著

翻刻必究

瘈狗傷考

寬政再

辰再鐫

叢桂亭藏

淺草文庫

原子柔之於黃岐之道其無所
 不用心耶瓊不遺以及不常有
 不常有者非辨博不及雖亦或
 希及之未以經之心也則當希有
 而無用也夫瘈狗之毒猛乎水
 火而不常有矣有則一日二日而
 一以至萬如苟解則人之死此有

序

乙

192-538

似水火欤火可以撲滅也水可以
雍可以決也癩狗之害無撲滅雍
決之術辨博亦希及則藥石竟
失其治矣予幼時一日人來云某
地有癩狗明日又人來云某里有
癩狗可戒也一日二日而一以至萬
邑里州縣無處不有焉乃觸者

不尠然不常有則希及者亦希故
治又不得其治乃之死者何限爾
來殆五十年矣又不常有雖辨
博又希及今又有如予幼時所嘗
見則至所謂其猛乎水火矣子柔
以希有癩狗而治不得其治故蒐
閱之于諸書希及則集竟為卷

欲使人及其所不逮也。予業已面
視一以至萬則特嘆子柔用心之
深矣。年先後乎我者一見之則皆
能識之子柔其勤哉。安永辛丑仲
春淡園埒允明序



刻瘕狗傷考叙

吾友子柔之為方。三世濟
其美。生死肉骨。請治如市。
門人負笈。諄諄誘掖。守數
精明。論著成籍。或問帳秘。
先授此策。毒之逼身。何疾
不急。瘕狗嚙人。其毒深入。

一失治療。鍼石難及。犬與
醫交為害。是其論所以立。
先急後緩。行將傳所習。刻
瘕狗傷考。

天明三年癸卯冬

水戸 立原萬



瘕狗傷考

目次

論第一

治法第二

藥方第三

灸法第四

刺法第五

禁忌第六

治驗第七

なるを疹^{うぶみ}とせし若早く鼠毒と悟りて療治を誤らざれば數日や癒
べし常鼠の咬むる害^{あやま}なりれども毒鼠の病犬同様なり甚恐なり
まの咬れる時井の水又白躑躅^{あざつた}花を煎じて能く傷をわし血をわたり又
口を吸出し灸七八壯^{あつ}を灸^あ艾の根^あ返灰とわす毒^あ少根^あ子^あ火^あ廻^あら^あ毒^あわ^あ灸^あ
あつた其時^あ熱^あを覺^ある迄^あを灸^あべし灸^あ五^あ七^あ日^あも續^あて^あま^あ其^あ痕^あの^あ益^あく^あは
初^あ内^あの^あ紫^あ金^あ丹^あ貳^あ分^あ服^あし銀^あ花^あ飲^あ數^あ帖^あを^あ用^あべし勿^あ論^あ年^あ久^あき^あ鼠^あ毒^あや^あ
前^あに^あ迷^あふ^あ種^あの^あ病^あ状^あを^あわ^ある^あ者^あと^あも^あ紫^あ金^あ丹^あ銀^あ花^あ飲^あを^あ久^あ服^あせ^あば^あ
愈^あべし庸^あ工^あの^あ鼠^あ毒^あを^あ粗^あ心得^あん^あ或^あ人^あを^あ殺^あし^あ僕^あ鼠^あ毒^あを^あ患^あふ^あ數^あ年^あ先^あ生^あの^あ患^あを
同^あ病^あよ^あん^あん^あ先^あ鼠^あ咬^あの^あ糸^あを^あ略^あ解^あを^あ續^あく^あ大^あ毒^あの^あ段^あ々^あに^あ不^あ文^あ以^あ其^あ意^あ愈^あは^ある^あ

瘰狗傷考

叢桂亭隨筆之一

水瀋醫官 原昌克子柔甫 著

論第一

夫蟲獸之咬害人者多矣若虎狼蛇蝎之害則深山
幽谷絕人之地人所稀遇而罹其禍者亦不甚多也
獨風犬之害人也不問都鄙市朝觸其毒者比比相
屬若夫理療一失則其毒入膏肓或偶瘥者亦誤食

瘰狗傷考

一 叢桂亭藏

生冷油膩。則舊毒再發。口渴引飲。妄語狂躁。如狗叫。其證竒怪。不可名狀。故治之之法。必先以刈除軀內之毒爲要。其術不可不豫論定焉。夫風犬之行也。四五月之際。爲尤甚。城郭縣鎮。烟火相臨之地。有狂狗咬人。則子弟惡少。相引撲殺之。若寒鄉陋巷。則一犬橫行。流毒於數人。又常狗與之鬪。則傳染爲癩狗。於是罹禍者亦不少。理療一失。暨與犬交。相爲害者。甚於虎狼矣。要須照其方法。無宿毒之遺患矣。

左氏傳云。國人逐瘵狗者。卽風犬也。或獠犬。癩狗。風

狗。狂犬等之稱。皆同義。

千金論曰。凡春末夏初。犬多發狂。必誠小弱。持杖以預防之。防而不免者。莫出於灸。百日之中。一日不關者。方得免難。若初見瘡癢痛定。卽言平復者。是最可畏。木禍卽至。死在旦夕。昌克按信哉。此言多以枯藥貼傷處。看瘡乾痂脫。而驢以爲全疔者。速則旦夕。遲則旬月。終至不免。鬼簿

聖濟總錄曰。獠犬齧者。犬發狂疾。跑躁齧人。若中之令人疼痛不止。發狂如犬聲。不急治之。亦能殺人。男

子過三日不治。婦人過五日不治。昌克按犬毒以男女論。理療遲速者。蓋妄誕也。
胡濙曰。風狗咬傷此乃九死一生之病。急用斑蝥七枚。以糯米炒黃。去米爲末。酒一盞。煎半盞。空心溫服。取下小肉狗三四十枚。爲盡。如數少。數日再服七次。無狗形。永不再發也。累試累驗。孫一奎曰。用斑蝥七枚。去頭足翅。以糯米少許於新瓦上同炒。以米黃香爲度。去米不用。以斑蝥研碎。好酒調下。能飲酒人再進一盃。看傷上下服。當日必有毒物。從小便出。如小

狗狀。如未下者。次日再進。如又不下。又進之。以毒物出爲度。進至七服。雖毒不下。亦無害矣。服藥後腹中必不安。小便莖中刺痛。不必慮。此毒爲藥攻將下耳。痛甚者。以蕪青一匙。煎甘草湯送下。卽止。如無蕪青。青黛亦可。疾愈後。急以香白芷五錢。雄黃二錢。半爲末。搗韭根自然汁。湯酒調下。去斑蝥毒。以水淨漱口。嚼青葱白。卷傷處。留小竅。出毒氣。不可用他草藥。又曰。不急治。則生小狗。必殺入雄黃蟬脫等分。爲末。調敷傷處。立愈。醫方大成云。用大班蝥三七枚。去頭

翅足用糯米一勻畧炒過去斑蝥別以七枚如前炒
色變復去之別以七枚如前至青烟爲度去蝥只以
米爲粉用冷水入清油少許空心調服須臾再進一
服以小便利下毒物爲度如不利再進利後肚疼急
用冷水調青靛服之以解其毒否則有傷黃連水亦
可解之但不宜服一切熱物李中梓曰斑蝥下獾犬
之惡物張璐曰以斑蝥七枚去翅足炙黃同蟾蜍搗
汁服之瘡口於無風處搨去惡血小便洗淨髮灰敷
之服後小便當有瘀毒泄出三四日後當有肉狗形

二四十枚爲盡如數少再服七枚若早服雖無狗形
永不發也龔廷賢曰斑蝥去翅足七個香附七個共
爲細末作一服燒酒調下如腹痛不可忍者吃猪肉
湯一兩口解之卽止不一時小便出狗形下來卽已
避鑼鼓風一七日又曰用斑蝥七箇去翅足爲末酒
調服於小便桶內見衣沫似狗形者爲効如無再服
須六七次無狗形亦不再發甚効吳珠曰風狗咬傷
急用斑蝥七箇爲末溫酒調服其毒從小便中去可
將尿缸盛清水令患人尿其中停半日見濁氣凝結

如_二狗形_一。則毒去。如_二不見狗形_一。則須服七次。方可無狗形。乃不再發。極驗。若小便澁。益元散水調服。最妙。陳實功曰。治之遲者。毒大而小便難出。必攻臟腑。久則成形。昌克按千金方。治九漏方中。用斑貓地膽。其方後曰。病從小便出。尿盆中相視。如有蟲形狀。又似膠汁。此病出也。此他古人瘰癧血疔等之病。用斑蝥者。皆曰。毒從小便出。或如粉片。或如血塊。或如爛肉。皆其驗也。但毒之行。小便必澁痛。不可當。則以李果破毒飲輩道之。是用斑貓之常例。而至如袖珍方。治獠

犬傷。搗爛蝦蟆水服者。亦言小便內見沫之事。

張氏醫通

口以蟾蜍一二枚搗汁生食。小便桶內見沫。其毒即解。蓋是由犬毒而說其驗。

者也。而小便利穢物果如此者。余未目見之。其他治風犬毒方藥用斑貓者。徃徃奏奇効。不與衆藥同。最攻大毒之良品也。

袖珍方云。先於頂心拔去血髮三四根。陳實功曰。其人頂心必有血髮一兩根。宜拔去。孫一奎曰。拔去頂上紅髮。吳珠曰。於患人頂心中有一紅髮。即當拔去。後服藥快效。張璐曰。先於患人頭上拔去血髮二三

莖。龔廷賢曰。宜番木。斃磨水吃。卽看腦頂上有紅頭
髮。急摘去。馮兆張曰。胎髮燒存性。新香附野菊。研細
酒調服。盡醉者。患人頭有紅髮三根。速拔去。昌克按
近野呂玄丈亦有此說。余嘗索之。未見其所謂紅髮
者。

小品方云。生食蟾蜍。絕良。張璐曰。以蟾蜍一二枚
搗汁服。肘後方云。治獬犬傷。每七日一發。食蝦蟇。膾
絕良。亦可炙食之。勿令本人知之。自後再不發也。袖
珍方云。治風犬傷。卽用蝦蟇後足。搗爛水調服之。昌

克按。李中梓亦於蝦蟇條下。說獬犬之効。又沉約宋
書載。張收或作收爲獬犬所傷。人云。宜噉蝦蟇。膾食之
遂愈。實一奇良方也。野呂玄丈亦有蝦蟇膾之說。而
不及蟾蜍之事。蝦蟇是螿蟇。蟾蜍是癩蚶。是通說
而又有療毒蛇咬。急取癩蝦蟇。搗爛敷上。帛縛之。
法如諸書所載。蝦蟇蓋是癩蝦蟇也。李時珍曰。古人
通稱蟾爲蝦蟇耳。今攷二物。功用亦不甚遠。則古人
所用多是蟾蜍。且今人亦只用蟾蜍有效。而蝦蟇不
復入藥矣。又鄭樵通志云。蝦蟇之類多。以蟾蜍爲上。

曰醜。曰去甫。曰苦蠶。昔張暢弟收爲獠犬所傷。暨云。宜食蝦蟆臙。收甚難之。暢含笑先嘗。蓋此物但入藥用。而非可食也。爾雅。螿蟞。有一種生於田中。大者三四枚。重一斤。南人名爲水雞。亦名蛤。又一種生山谷中。黑色肉紅。名石鱗魚。並可食。其小者名鼃。其大於鼃而青色者。曰青鼃。凡蝦蟆之類。皆不交合。惟此雌雄相對吐沫。漸成魚子。遂變而成科斗。爾雅云。科斗。活東亦曰活師。古人科斗書。蓋取象於此。昌克頃遊久慈郡。訪慈雲寺。語次及犬毒之事。上人

告曰。郡中遇其患者。乃作蛙臙食之。遂無至危篤者。因知此物善治毒。不必有蝦蟇蟾蜍之分。多用爲妙也。如諸書所載。尤足以信矣。

上人又曰。噉蝦蟆後。其頭上有發物。而如癩蚘蚘狀者。一奇事也。經月餘。則脫去。

或語曰。有人爲獠犬所咬。急取赤豆麻物油膩一切之毒物。煮食。終無再發之患。愈後。不忌油膩。如經日者。不宜此法。甚爲害。昌克未信。而世俗用此法。每每取効。數見有驗者。因知毒攻毒。與用斑猫者。一般。蓋

經日者與斑猫則相害與此法同耶。余未知其當否也。姑記備後考。

醫宗金鑑云。用豆豉研末。香油調稠。丸如彈子大。常搯拭所敲處。搯開者。豉丸內若有狗毛茸。然此係毒氣已出。易丸再搯。至無茸毛方止。甚效。余未試。恐妄誕也。

此法甚奇。昔年下公。自製者。其效如神。余未試。恐妄誕也。

治法第二

千金論云。凡狂犬咬人。著訖。即令人狂。精神已別。何以得知。但看灸時。一度火下。即覺心中醒然。惺惺了。方知咬已。即狂。是以深須知此。此病至重。世皆輕之。不以爲意。坐是死者。常年有之。吾初學醫。未以爲業。有人遭此。將以見問。吾了不知報答。以是經吾手而死者不一。自此銳意學之。一解已來。治者皆愈。方知世無良醫。枉死者半云云。昌克謂風犬之一毒。原是外來之病。似不可以死生而論焉者。然治療一失。

瘦狗傷考

則至必死不可起。則與膏旨難愈之病何擇。犬與豎
交相害可不懼哉。是思邈所以沉思留心也。

凡狂犬咬人者。須急與黃金漿。若吐者更與之。且須

用熱人尿洗去傷口者。一再次。此時於傷口上宜細

視之。當有下如薄膜者。是狗牙根之垢查也。謹不可留。

速洗去之。流血脉脉不斷者。為妙。若血不流滴者。方

將鋒針刺破之。血出則與紫金丹。血止拭去傷口。仍

上艾火如法。而白玉湯送下。紫金丹毒甚者連服。

傷口未愈。發汗不禁。亡陽者難救。宜先刺足委中。出

血而與黃金漿兩三合。紫金丹主之。服後無寸効者。
死。

豎誤理之。或飲食失節。舊毒再發者難治。

傷口報痊。五六十日。若百餘日。其人惡風。口渴。舉丸

內吊。二溲閉結。行步動作。呼吸乃迫者。將發瘰宜急

理之。與紫圓而取下。量其毒之緩急。與
其人之少長。作劑。二三日。若四

五日。已發瘰。口禁咬牙。角弓反張。口吐涎沫。舌縮聲

枯。眼昏無神。水飲不下者死。

將發瘰者。急當利二溲。而刺手之尺中。足之委中。青

玉散主之。紫金丹亦主之。
小品方云。衆療不差。毒攻人。煩亂。已作犬聲者。方
髑髏骨。燒灰末。以東流水和服。方寸匕。以活止。昌克
按此方甚有奇驗。卽下所載白辟散是也。
赤水玄珠云。經久宿毒。復發者。多難救。無藥可療者。
雄香散主之。本出救急良方。若牙關禁急。不肯服者。則撚鼻
灌之。服藥後。必勿驚起。任其自醒。再進前藥。然免死
者。僅千百中之一二而已。

藥方第三

黃金漿方

生薑根 搗取汁

鐵漿

右二味各等分。每服一合。冷服。

紫金丹方

卽王璆百一選方。大乙紫金丹。一名萬病解毒丸。一名玉樞丹。

山慈姑 去皮洗

川五倍子 洗二兩

青王千金子仁

白者。研紙壓。去油一兩。

大戟 紅芽者。去蘆一兩半。

麝香 三錢

右五味重羅令勻。用糯米濃飲和之。木臼杵千杵。

瘦狗傷考

十 叢桂亭藏

作一錢一錠病甚者連服。湯火傷毒蛇惡犬一切蟲傷並和冷水磨塗仍

服之詳百
一選方。
青玉散方 理獠犬咬人。

青黛

雄黃

右二味等分爲末每服五分。梔根白皮煎汁送下。日二夜一。白玉湯亦得。

白玉湯方 理獠犬咬人。

杏仁 三錢

梔根白皮 二錢

右二味以水二合煮取一合。日二劑。別杏仁蔥白

俱杵成泥敷瘡口灸數十壯令口不合甚妙。

白壁散方 理舊毒再發狂躁悶亂者。

天靈蓋

右一味研爲末水服。

雄香散方 救急良方之方。

雄黃 五錢

麝香 二錢

右二味研末勻酒下作二服。

蝦蟆膾法

蝦蟆切取兩股去皮洗淨作膾。抽橘芽之類。

適其宜。或炙食者。効少。如冬月。乾蝦蟆煎服。以多為妙。其効大劣。

小品方云。若重發者。生食蟾蜍臄。絶良。亦可燒食之。不必令其人知。初得嚙。便為此。則不發。

古籍所用之藥品。頗多。抄其散在諸書者。以備考索。

內治

蟾蜍

蝦蟆

葛根

斑蝥

雄黃

青布汁

頭髮

野菊

桃根白皮

麝香

狼牙

猬頭灰

水服

故梳

同葦根煎服。又葦汁服。

桔梗

狼牙草灰

水服

狼肉

天靈蓋

黑丑

栝榔

木鼈子

番木鱉

鐵華粉

乳香

千金子仁

蔓菁

搗汁

紅娘子

青娘子

沉香

海馬

外治

冷水 洗數次

艾灸

甘草

犬糞

紫蘇葉

嚼碎

人尿

洗

石硫黃

百草霜

乾荷葉

煮濃汁

胎髮

人乳汁

蓖麻子

鹽水

牛溲

牛糞

人尿洗後塗

獬犬腦

天南星

防風等分細末

虎牙

卮子

燒硫黃等分為散

紫荊皮

砂糖調塗

鹽水

洗蓖麻子

井水研成膏塗

人參

犬咬風傷腫痛燒存性敷

之

鴨跖草

銀杏

研碎

薤

薤白

白礬

金絲荷葉

犬咬破傷風砂糖和勻

黃蠟

豆醬清

鼠屎

先洗去牙

垢土惡血黑糖調塗

蚯蚓泥

驢尿

鹿蹄草

蓼葉

搗泥

粳米

瓦松

同雄黃研

左盤龍

厚封新者佳

赤地利

根醋摩傳之又搗莖葉傳

莽草 末浸椒水調

青柚 乾收煎洗

羊躑躅花 半開者陰乾煎洗

牀脚下土

豕耳垢

豨薟 搗傳

內飲外塗

生薑汁 又以生薑炙熱熨之

蒼耳 酒服煎洗

驢尿

虎骨 水服外塗
乾薑 水服又薑

汁服末傳

地黃汁 飯餅塗之

頭垢

同狷皮燒灰水服人尿洗後傳

葦根汁

杏仁

鐵漿 各百度

砂糖

水服外塗
地榆 搗取汁

葇荂 子內治用

之根和鹽搗傳

鹿血

薤白

青黛

黃藥子

研水服外塗

人血

瑞香葉

絞取汁

苦酒

灰

熱湯又苦酒和

灸法第四

夫灸犬毒法。從來已久矣。內經曰。犬所嚙之處。灸之三壯。以犬傷病法。灸之。千金方云。獠犬所嚙。未盡其惡血毒者。灸上一百壯。已後當日灸一壯。若不血出。刺出其血。百日灸乃止。昌克按。凡灸之法。諸籍群載。是皆拔毒之一法。最不可闕之良法也。若不肯灸者。不治。

灸傷口

熱人尿。若新汲水洗去傷口。令血出而灸上。以

一百灼爲定。以一百日爲期。綿若紙封定之。其
更灸時。葦葉煎汁洗去痕上。而上艾火。百日內
不可闕也。艾柱之大小。隨傷口。

又法。用胡桃殼半箇。填人糞。抵傷口。而上艾火。以其
殼燒去。覺痛爲度。

又法。用大蒜若韭。去兩頭。切中間三分。厚安瘡頭上。用艾
炷於蒜上。灸之。每百壯。蒜敗乃易。

又法

用人糞貼瘡口上。灸之。七日。必至百壯。糞乾乃
再換。百日之內。漸減至三五壯。

凡刺絡宜側鍼逆而取之。鍼鋒剖絡則脫氣。血難收。

刺尺中法

預設縮三釐

用縹紗為上。長五尺。濶一寸。縫如今婦人腰帶者為佳。

溜血

器

陶器佳也。須用白色者。便辨血色。

酢。五勺。為癩上眩者備之。

而令患者端

坐。將縮縛肘後。手伏滿握杖而用力。絡脉大張。

乃眠血結處。加鍼鍼鋒未舉。濁血迸飛。乃使人

持陶器接受之。血出自二三勺。至一二合。隨證

各異。宜以血自收者為度。若血量已足。或出鮮

血者。須解肘後之縛。放杖力弛。則血乃止。用反

鼻末少許。撒鍼口上。紙若綿厭定之。而令安臥

者。可半時。宜避風露。調養若指頭安。按鍼口。絡

脉動。則其口難閉。肉裏為瘡痕。凡濁血迸出時。

有胸中懊懣。如欲吐者。勿驚。是氣之開通也。若

面色青黃。將昏眩者。急依上法。去縛縮。指頭徐

按鍼口。別把綿漬酢。罨定鍼口。與茗一飲。而令

臥之。密室則復。

刺委中法

令患者正立。繫縛膝上。一如刺尺之法。當加鍼

之時先令患者側臥刺左者左側刺右者右側
兩脚直斜踞壁猶握杖之意鑿著膝前右膝頭
受患者之膝頭以為用力之地而乃眡委中之
大脉怒脹者刺之

禁忌第六

凡瘡口未瘥者以食淡為一策世之悍猾者蔑法誣
道輕犯禁忌恬然貪食雖或適不遇其禍豈無令傍
人寒心乎假一二禁忌之物生涯不供食亦無生養
之害然如世之所謂禁忌空口腹者無足論焉千金
方曰凡狗犬咬人七日輒當一發三七日不發則脫
也要過百日乃得免耳每到七日輒當搗韭汁小品
飲一二升又當終身禁食犬肉蠶蛹食此則發死
不可救矣瘡未愈之間禁食生魚及諸肥膩冷食但

瘦狗傷考

十九 業挂亭藏

於飯下蒸魚及於肥器中食便發不宜飲酒能過一年乃佳。

酒 過一年乃佳 犬肉 終身禁之 諸肥膩 瘡未愈

千金方 生魚 瘡未愈之間 蠶蛹 終身禁之

同上 冷食 同上 赤豆 外科正宗

猪肉 赤水玄珠 羊 同上 酸鹹 百日

麻物 同上 酸鹹 簡便方

治驗第七

余近時歷驗亦多治之不拘毒食禁忌其法見咬之初先餌以赤豆麻物川鱗海魚水禽林鳥一切肥膩之類凡以適意不遺為妙咬處未愈之際灸之且餌毒如此則終身無有所忌決無再發之患若既失理咬處早愈者不在此例矣灸之法初日貼人糞瘡口焦黑火熱徹為度次日洗去之不復用糞直灸之若忌糞穢者不貼亦佳傷處爛潰者灸壯漸減至一二十壯而止若灸而不爛者貼膽礬巴豆輩亦良狼亦

瘦狗傷考

二十叢桂亭藏

發狂與常狗同。只其嚙至猛。溪山幽僻。偶有係此害者。諸州門人嘗療之者。以狀告。其治法亦同。乃今附治驗一二。以示後生。

太田大夫臣布施氏之子五歲。見咬眉上。牙痕可容指。余告之曰。不肯灸。則多服藥。亦不可望生。只恐姑息不能盡其法。其父性快活。扼腕曰。兒斃于狗口。則其謂之何。唯命之從。仍如法洗之。傷處流血。脉脉貼人糞。上大炷艾。百壯。白玉湯送下。紫金丹餌。以赤豆麻物諸肥膩。且戒曰。慎勿飽。停須將息。灸藥十日。所

傷口殆為膿。父曰。公之療理。大費不可言。其將灸也。兒啼哭。乞哀。鐵心殆不可忍。先傾三大白。乘醉而就灸。囊中為空。余曰。莫謾愁。沽酒。汝兒不死。日後膿汁漸盡。灸亦減。單服白玉湯。五十日。所解診。後三四年。肉起。不見其灸痕。

白井氏奴。見咬脚。膈洗灸如法。白玉湯間紫金丹。食諸油膩。日後灸痕乾枯。欲愈。仍鋒針發開。而灸之。不膿者數日。熱湯洗之。脫去痕痂。大艾上之。微有膿氣。余告汝。須以癩墓膾下酒。奴欣然去。經二三日。傷口

爛壞後設治如法而愈。奴曰：「薑膾肥美不可言，若常食不為害，則愈後猶可為酒卒。」
向街先鋒伍長之女年十三歲，携隣兒遊門外。時狂犬奔跳，將咬兒女，以身當之。抱犬不放，兒乃得逸。女被咬肘臂者七八痕，隣人來乞曰：「吾兒所以得全者，一依女力。彼若不起，則何以見彼父母乎？願垂惠。」余曰：「多灸之則良。」隣人有難色。女曰：「灸之勝於抱犬被嚙之時，何敢辭之？」仍洗之如法。上火者各百壯，白玉湯送下紫金丹，更教吮赤豆麻物魚鳥諸肥膩三四

日。傷口有欲愈之勢，仍倍壯數。且諭隣人曰：「傷處不潰則毒不泄，宜竊作癩薑膾令餌之。」令女知之，則恐難之。次日女來乞診，曰：「昨餐蟾蜍膾，今日奈何？」余恠問知之乎。曰：「雙親愛妾，早晚患其不起，妾何忌彼物？」更餌膾二三日，傷處大潰，膿汁徹衣衾。灸壯減半，百日所收功。後一士人聞之，欲以為妾，父母以有約辭之。
檜物坊一桶匠見咬肘後，來乞。余曰：「不灸不治，若不肯灸，則須就他家療之。」匠曰：「公之治之，萬不失。」頗

聞其法既飲黃金漿人尿自洗去傷口忍痛捫按更
嚼却惡血貼人糞灸百餘壯野鷄羹鱒魚鮓大盃自
酌又赤小豆飯胡麻豆腐煮之未熟先來乞診余曰
好好若此不藥亦自妙與紫金丹且戒曰勿縱灸唯
唯去月餘來曰可灸否診之膿潰毒泄宜減灸又旬
餘來則既報病

瘰狗傷考 畢

瘰狗傷考附錄

毒蛇諸蟲咬

咒由失其傳或襍見於民間亦多不可信凡諸蟲獸
咬人以灸為至治槩與瘰狗咬同法諺曰大可兼小
孫真人曰治蛇毒灸毒上三七壯無艾以火頭稱瘡
孔大小熱之陳文治瘍科選粹曰諸毒蟲所傷如南
方灰裏鞭赤練等蛇能殺人服藥固多妙方不若灸
之効為速可謂能識之者凡不問蛇虺蜈蚣蜂蠆鼠
猫一切皆灸之多少將息行之嶺南衛生方多載方

法宜讀而備其變。毒蛇咬瞬目之間。腫脹苦楚。所謂
蠱手則斬手。蠱足則斬足。畏其峻速也。受螫之時。不
問其傷處。手則中指無名指。本節後岐骨。兩筋間。鋒
針刺二分。足則亦猶刺手之法。其毒滾者。無血。只脂
汁。繫繫以經日。不止者。為良。蛇毒動奔關節。而腐潰
劇者。骨解斷落。或內攻洪腫。而斃矣。用刺則毒氣即
泄。無後患。但經一二日。而脂汁斷者。冷水浸傷處。以
洗針口者。數次。脂汁再流出。腫未消散之間。脂汁斷
止。則浸洗依前法。且冷水中投白雪散數錢者。益佳。

珊瑚膏 治毒蛇咬痛脹者方

乾柿 漬巖酢中以其爛漬為泥為度

右一味為膏塗咬處神驗急卒無膏搗乾柿為泥

和好酢塗之亦佳柿漆塗之不及膏

翠鳳散 治蜈蚣蜂螫諸惡蟲及毒蛇咬

蒿雀 臘月捕之去腸翅足齧洗淨以紅花填腹燒存性

右一味為散敷傷處內服治吐衄血諸失血婦人

血分不爽者又敷金又傷止血大効

白雪散 治蚊蚋小蟲毒螫為腫痛

礬石 枯過

右一味為末和唾塗。又紫金丹和唾塗亦良。孩兒遊戲花叢籬落間為諸微蟲所螫為腫者并主之。又毒蛇咬傷灸之將散內於冷水浸傷處其毒浮水面而解。

鼠咬

毒鼠咬傷動殺人而古來無定論。雖相鼠有牙以其微物不以為念。方策纔載鼠咬生瘡麝香或猫毛及頭屎傳之類。終不以死生論。郎瑛七修類稿載發瘡

而死者恐誤矣。其生瘡者毒氣發泄而無遺患。方今見中其毒而死者其初見咬之時以牙處微無痛楚。安然不省。毒氣伏匿。經久而變作水腫狀。而斃。故人或不知為鼠毒。又其發也。形狀不一。或作寒熱。或作潮熱。或咳嗽盜汗。如瘵疾。或肉脹如瘤。或如癩。或紫黑斑點。出沒無定所。或骨節緊痛。侵風雨霜雪。或食油膩膏粱。則發。若調養得所。療理不失。則數日而可休矣。但小便不利。周身洪腫者。不易救。以其伏匿經久而發。不自知其為鼠毒。以他病看之。所以無定論。

也而常鼠之咬不必為祟為害者蓋與瘦狗一般而別無看法其初見嚙之時以井水若白花躑躅煎汁洗之令血出於牙處每七八壯艾炷悉為灰者為妙若根礎有餘燼或不覺痛熱者不在常數須以燒盡艾形不遺知苦熱者為度內服紫金丹二三分益佳俗間洗傳方法極多不可悉信也今記治驗一二以備後考

鷓殿氏室米櫃中有鼠逐之底板小孔逸去以中指容其孔乍被咬明日覺微痛延一瘍醫點膏後七日

微寒熱以為得風冷令余治之且告鼠咬之事仍去膏灸傷處火未及半而消以為艾炷帶濕更上火凡七炷皆不及根礎八壯而盡艾炷然不知痛熱又數炷而始知即紫金丹銀花飲飲五六日收功
城東鍋坊三河屋兒八歲患水腫經數醫不理乃延余診之周身洪腫小便不點下父母曰其初左頰下結核一外科敷藥次日核消更結右頰下復敷之乃消移左仍不復敷其核漸腫及周身按之肉中有一團凝結又顛邊有一點紅紫色余以為如此洪腫不

可有此色。頰疑之。凝眄洞視。則似鼠毒斑。因顧曰。此兒得無為鼠所咬乎。父曰。無母曰。吁。去秋弄一鼠兒。被咬中指。嘗聞艾灸治之。索其牙處。不能的知。仍不灸。至今秋無一異。是似不足為害焉。余言。伏毒之發者。恐不免。父頰懇乞。乃先與紫金丹。越婢加朮湯。送烏犀角末。每服半錢。次早。其父來曰。前夜小便三大碗。今朝肋間有紫斑。余曰。其隱見無定處者。鼠毒也。其肋紫。晝間漸消。又三日後。發肘後。又發額上。仍依前方。經數十日。腫消。頰下結核未散。按之無痛痒。以

其遊戲如常。解診後。每有微恙。來乞。曰。此兒伏毒。他醫之。所不知。敢煩高手。既經五年。舊毒不發。

城西金街煙草戶。夜間有鼠咬左指頭。次日灸之內服坊間所貨神仙解毒丸。後經數日。臂中隱痛。心神昏昏。不樂。自以為鼠毒。乞診。乃教之。曰。治之不及也。即更灸咬痕者。日三十壯。內服銀花飲。灸處作膿。氣力始快。

栗崎村里正妻。年四十。所病。自以為痰。其發則項背急痛。不能持重。每夏月為浮腫。或寒熱多。欠頭痛。

眩悸殆無勝日。請得灸法治之。其人皮肉豐充。氣息喘不穩。余以為經水早斷者。作此態診之。頗得產後不調之候。乃告曰。此病起于產後乎。曰然。乃及點背後。見背之上。膏之下。有紫黑黧斑。鼠毒之氣也。仍問有被咬之事。曰無。則點畢。復坐少頃。夫妻相進。曰鼠咬之事。考之往時。果在十年前。在蓐時。被咬足指。久而忘之。實如明察。敢乞治。仍與紫金丹。作銀花飲。百日之劑。去不久。奏効。

吉成氏姊。已喪其良人。寡居于家。夜間人定。後有鼠咬準頭。而以無痛痒。乃又不以為念。六七日後。食河漏子。其夜食野雞。次早。面目浮腫。寒熱交作。牙處隱痛。自覺鼠毒。延余。余曰。是不灸則不治。仍作銀花飲。送下紫金丹。上小炷艾。火下微痛。再灸之。不知痛熱。仍上市中所貨中艾。亦不知。仍上大艾。亦不知。灸五十餘壯。尚不知其痛。然以其壯數多而止。次日上大艾。亦不知。仍併二大艾。上之。不知。又併三艾。不知。只苦煙氣。燻眼。次日。併四大艾。上之。不知。從是每日以四併大艾。灸五十壯。二十日許。小水不利。煩渴與越。

婢加木湯灸仍如前又二十日許只覺火下腦中隱痛時謗議紛紛治療之法皆笑余迂余曰人身無毒知火熱是常理知痛熱是其度也傍人尚為之掣肘乃灸壯之數減其半二十日許漸知溫溫又十日許少知熱痛仍將一大艾上三四壯面腫漸減只寒熱為瘡狀骨立無力仍轉與小柴胡湯止灸又數十日少得起步更與銀花飲俟其毒盡病家以其治驗遲緩辭余延他醫其醫則學于余者也仍與銀花飲經數十日而收効

銀花飲 治諸毒咬傷為腫痛又諸結宿毒疥癬癰疔癩疹癩瘡等之病并主之

金銀花 七分

荆芥穗 五分

大黃 三分

芎藭 三分

防風 五分

右五味咬咀水盞半煮取一盞去滓分服毒劇者連進至三五劑

瘕狗傷考附錄 畢

寬政丙辰再鐫

瘕狗傷考跋

瘕狗傷考行世已久。莊一歲患鼠咬治療百
方絕無効驗。病間閱方書未得其策。乃
謀之書肆。萬笈堂而得此書。采而驗。其治
方一如探囊。其論皆古人之未言。及者。文
醫獸毒者。捨此書而豈復他求。嗚呼。先生
憐生靈之意。一何至此乎。獨奈世知有此
書者。竊取以為帳中祕祕。而不傳。則不知
此書者。暗投妄治。或誤殺人。通邑大都尚

然况寒鄉僻邑之醫藥之地不得治方之
斃者盖亦不少莊欲以國字譯此書弘傳
于世去歲先生來寓江都莊幸謁其門遂
訴其衷身先生嘉賜金梓且見許其譯
於是字莊得憐同病而分惠於世人以
先生之賜也

文政三年三月望江都溪川水田莊謹跋



江戸本石町十軒店萬笈堂英平吉郎藏版醫書目錄

金匱要略輯義 全十冊 大本

東都醫官桂山多紀先生歷朝諸家ノ説ヲ集メ及千金外臺等ノ書ニ引
トコマデノ異同ヲ考校シ且先生ノ按ヲ各條ノ下ニ附ス金匱ノ諸説コノ書ニ
モル、更ナシ實ニ註家ノ大成ニ

古方丸散方 全一冊 小本

東洞吉益先生著ス所ニ此書往年田信菴先生校正上本ス是歲マタ
東洞家ノ分量考ヲ附シ重訂補刺ス

丸散方機 全一冊 小本

此書ハ東洞先生作ニテ金匱傷寒ノ方ニ機變妙用アルヲ記シ東洞
翁常用ノ方ニ臨病ノ機變コノ書ニツキタリ且丸散兼用方書ニ

一本堂醫事説約 全二冊 小本

此書ハ香川先生常ニ坐右ニ於テ驗セシ方ヲ集録ス往ニ藥選行餘
醫言等ノ書既ニ行ルトイハレ藥論病論ノミニテ方ヲカク今コノ書ヲ
合テ全備ナリ香川家ノ四劑ヨリ始メ先生ノ定方漏スコナシ

上池秘録

小本一冊 西川國華先生輯

同續編

全一冊 同作

同三編

全一冊 同作

同四編

全一冊 同作

此書ハ古今丸散ノ方ヲ集ム先大人家ニハ奇應丸一粒金丹婦人家ニ龍
王湯安神散小兒家ニハ萬金丹龍角圓古方家ニ紫圓備急圓ノ
類ヨリ始メ各家ヲ部類シテ且諸家經驗ノ奇方ヲ卷末ニ附ス

外科上池秘録

小本一冊 同作

此書ハ外科ニ用ル所ノ丸散并ニ膏藥ノ方ヲ集ム外科方書最第一ニ

傷寒方

一冊 小本 東都醫官 多紀法眼 中澤養亭作

此書ハ傷寒發病ノ初日ヨリ五日迄又五日ヨリ十一日迄ト初メヨリ廿日餘
ノ間ヲ分ケ藥方ヲ著シ其間ニハ或ハ下利後發汗後ナド色々ノ證ヲ著シ
各條ノ下ニ某方ヲ著ス附録ニハ山田心珍先生ノ溫疫辨又ハ辟溫方ナド
委ク出ス傷寒ノ方此書ニモルコナシ

救急選方

二冊 小本

東都醫官多紀先生輯ハル所ニ先生ノ博覽廣才世ノ知トコロ此書古今
医籍中ヨリ救急ノ奇方輯ム實ニ先生ニアラズシテ此書ヲ作ル事能ハズ
四方ノ医家必ズ茶籠中ニカクベカラズ

醫略抄

一冊 丹波雅忠著 多紀棟憲先生校

此書ハ今ヲ去リテ殆ト七百年前ノ物ヲ晋唐医書卅四部ノ中ヨリ單捷ノ
方ヲアツメ急病ヲ治スルタメニ撰レル書ニ其方ニナ奇驗ノ方ニ且所引ノ
書多クハ今ニ傳ガル本ヲ千金外臺ヲ讀ノ大ナル助トナリ古方ヲ講スルノ人必
讀ノ書ナリ雅忠ハ日本扁鵲トイハレシ人ニ

廣惠濟急方 藏板

三冊 多紀藍溪先生著

此書ハ專ラ窮郷僻壤或ハ旅中ナド医者ニ乏キ処ニテ急卒ノ病アルハ坐ニテ斃ルニテ憂ヘ作ラレシ書ニテ平假名ニテコレヲ書シ一ニ味ニテ奇効アル方ヲエラビ尤手迎ナル草木蟲魚ノ茶ノ專ラトシ其形状ヲ圖シ又瀕死瀕死等ハ共手術ヲエガキ又灸点ノ方モ委ク其圖ヲ出シ大人小兒急ナル大病ハ言ニ及バズ諸ノ毒ニアテラレ犬ノ咬ミ蟲ノサシタルナド或ハ火燒ナドマデモ如何ヤウ俗人ニテモ此書ヲミルハ其療治カタ一目ノシルベク誠ニ医者ヲ待ズ命ヲ救ヒ苦ヲ免ルニテ得ルニ故ニ人々不時ノ用意ニ一部ヲ所持セズバアルベカラザルノ書ニ而ソノ方ハ勿論古今ノ方書ヨリエラビ出シ一ニ試驗ノ良法ナレバ医家ト云ル豈コレヲ缺ベケンヤ

傷寒論輯義

七卷 十冊 多紀櫟窓先生著

古來傷寒ヲ注スルモノ多ハ古書ヲ讀ムノ法医書ヲ講スル式ヲシラズ多意ヲ用テ恣ニ改竄ヲ加ヘ或ハ紙上ノ空談ノミニテ實用ニ益アラズ先生ノ

此書ハ四十餘部ノ注家ノ内ニツイテ其長ヲエラビ短ヲサリ又古書ニヨリテ異同ヲ正シ其疑シキ者姑ク諸說ヲ引テ敢テ臆改セズ專ラ文理確當ニシテ義理正平ヲ要トシ又古來医書ノ中ニツイテ仲景ノ義ヲ敷衍シ仲景ノ意ニヨリテ巧ナル療治ノハナシ或ハ仲景ノ方ヲ好ク活用シタルヲ又仲景方ニ加減タル方又仲景ノ遺意ヲ發明シタルヲ凡傷寒論ニアツカリ治療ノ助ニナルヲハニニ毎條ニ附録ノ臨證處方ノ便トナス實ニ傷寒論ヲ解シ傷寒論ヲ活用スルノ第一ノ書ニ古來注家ノ企及ベキニアラザルトコロニ

脉學輯要

三卷 二冊 同前

此書ハ寸関尺三部ノ位ヨリ跌陽人迎ノ診法平人ノ脉病ノ深淺生死ヲ決スル法二十四脉ノ形状婦人小兒ノ脉及ビ八怪脉ニ至ルマデ古來脉書ノ精英ヲエラビノセ又コレヲ古經ニ徴シ實驗ニタシ以テ按語ヲクハ凡脉ニアツカルヲ此書ニノセザルト云フナク古來ヨリノ脉書此書ホト切正ナルハナシ實ニ医家第一必用ノ書ニ

醫積三卷附録一卷

三冊 同前 藏板

此書ハ先生ノ隨筆ニシテ神農嘗藥醫學醫科ナドヨリ何ト云フナク茶
品ナドニ至リ附録ニハ募原屠蘇ナドノ詳攷ヲアゲ医書古来ヨリノ疑義ヲ
辨明シ人ノコレヲ知及サヌコトヲ見イダシ一々攷證ヲナシ医学ノ助トナス是
先生久年ノ積ムトコロニシテ一時ニナルモノニアズ又何レモ医者知ラズニバアル
ベカラザルコトノ無益ノコナシ世ノ好テ著述ヲナシ博ヲ貪テ雜駁ニナル
モノト同日ニ論ズベカラス誠ニ古今未曾有ノ書ニシテ特リ医学ノミナラズ凡
学者此書ヲミバ益ヲ得ルコト少カラザルニ

素問識

八卷 同前

靈樞識

六卷 同前

内經ハ先生ノ家學ヲ此書ノ精密ナルコト世人ノ能知ト云之況ヤ今刻スルモノハ先生
晩年ノ定本ヲ攷證詳密マテ餘蓋アルヲレ醫道ノ大本ヲ明ニト欲ルモノ豈此書ニ
據ラザルベケンヤ

醫方挈領

此書ハ方ノ祖ヲアゲ四君子湯四物湯ノ類ノ如キ是ナリフレニ加減ナレル類方ヲ集タルモノニ一々出典治
證アゲ王良瓌ノ小青囊施沛然ノ祖劑ナドニ比セバソノ精博數倍ノ実ニ

中缺ベカラザル書ニ

麻疹心得

麻疹輯要方 麻疹纂類 各一卷 合刻二冊 同前

心得ハ先生數次經驗ノ治術ヲ詳ニ國字モテ録シタル書ナリ輯要方ハ諸家ノ
名方ヲ集メ纂類ハ諸説ノ要ヲ摘ムルモノニシテ三書アリテ治疹ノ事拾芥ヨリ

易レトイフベシ

標窓類鈔

八十卷 同前

此書ハ儒書ノ中ヨリ醫ニツカリタルコトヲ抽出シ類ヲ以テ纂録シタルモノ
醫ノ政令ヲ始トシ證治方藥ノコトハイフニ及ズ書目醫傳並ニ詩文ノ類マデモ
悉ク採入セズトイフコトナシ先生ノ博覽古來醫家ツノ比ナク此書亦天下
所未曾有ノ盛舉ヲ其益甚廣ニ誠ニ不可無ノ鴻寶ナリ

櫟蔭先生文集

卷之五

先生文集

先生文集ハ取テ巧ヲ求ル生意ナシトイヘ能俗習ヲ脱メ自ラ雅麗ナリ且醫

書ノ攷證證治ノ論說等發明スルトヨク多ク其中ニアリ

醫籍考

百卷

多紀柳沂先生著

此書ハ朱竹垞經義考ニ倣テ古來醫書ノ目錄ヲ類列シタルモノヲ歷代ノ

史志及ビ百家ノ書ニ就テ卷帙序跋ヲ萃ゲ並ニ作者ノ履歷ヲ訂シ存佚

未見ヲ表シ書ノ佳否道ノ源流燦然トシ明ナリ

疾雅

二十卷

同前

醫ノ事ハ病名ヨリ繁雜ナルナシトイヘ先生博ク攷覈ヲナシテ正俗ヲ訂シ異

同ヲ辨シテ以テコレヲ約ニ歸セルムルノ書

名醫公案

五十卷

同前

此書ハ諸家治驗ノ巧妙ナルヲ纂錄シタルモノ古人臨證處治ノ曲折ヲ會得

シコレヲ今日ニ運用セントスル此書ヨリ善キハナシ

難經疏證

二卷

同前

難經ノ注ハ頗多ケレモ大抵迂遠ニシ且舊古ニ疎シ今先生諸注ノ的切

ナルヲ擇ビ更ニ攷證ヲ加ヘタル書ヲ櫟窓先生ノ醫經諸解ト並セ讀セ

ズンハアラザルモノ

名醫彙論

八十卷

多紀菴庭先生著

古人ノ病論異同ノ說悉ク載ズトイフコト一病就テ名義脉法源因證

候治法ヲ析タル大成ノ書

傷寒論述義

一卷

同前

此書ハ輯義ノ餘意ヲ發明ノ三陽三陰ノ大義變壞ノ諸候ニ至ルマデ類論

辨列ヲナシ仲景ノ條理ヲレテ一目了然タラシメ治術ニライテ明切ナル書

ニノ敢テ立言ニ急ナルモノニアラズ

傷寒廣要

十二卷

同前

此書ハ古人傷寒ノ治術ニライテ切正ナル論方ヲ類録シタル書ナリ輯義

ヲ羽翼ノ經意ヲ擴充シ事實ニ大有用ノモノシ
證治通義

二十卷 同前

此書ハ病因診察辨證ノ要領用茶治病ノ法則方劑某物ノ理蘊ヲ諸
家ノ精況ヲ摘出シ之ヲ攷証ヲ加ヘ醫ヲ學ブモノヲ早ク正路ニ入ルル秘訣
傷寒六經志

一卷 加藤猶龍先生著

三陰三陽ヲ以テ更ニ細分ヲナシ一百三方ヲ配列シ方ゴトニ因證脈治ヲ揭
ケ劑ノ大意ヲ示タル書ニシテ藥籠中ニ藏テ至テ便利ナル書ナリ

